

docriver 文川网  
入驻商家 古籍书城  
在文川网搜索古籍书 获取更多电子书

中國方志叢書·華南地方·第二三九號


據 民國·陳一堃修，鄧光瀛纂  
民國二十七年石印本

影印

福建省

# 連城縣志

*skp2019*



成文出版社有限公司印行



中國方志叢書·華南地方·第二三九號

據

民國·陳一堃修，鄧光瀛纂  
民國二十七年石印本


影印

福建省

# 連城縣志

*sk122/bc*

成文出版社有限公司印行



中國方志叢書·華南地方·第二三九號

據


民國·陳一堃修，鄧光瀛纂  
民國二十七年石印本

影印

福建省

# 連城縣志

成文出版社有限公司印行



\*10098471\*

docsriver 文川网  
入驻商家 古籍书城

在文川网搜索古籍书城 获取更多电子书

中國方志叢書·華南地方·第二三九號


據

民國·陳一堃修，鄧光瀛纂  
民國二十七年石印本

影印

福建省

# 連城縣志



成文出版社有限公司印行



\*10098472\*

中華民國六十四年六月臺一版

# 連城縣志

全四冊

發行人：黃成助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

連城縣志舊序

宋紹興三年歲癸丑析長汀之蓮城堡及古田鄉六團

里置蓮城縣

文獻通考宋史清一統志並同府志汀元州府下稱三年連城縣下稱六年當誤

至正六年改蓮為連至明嘉靖三十五年丙辰陶令文

淵以立縣以來未經輯志得前任金令榜彙輯志稿若

干卷采纂成書是為纂輯縣志之始距置縣時已四百

二十有四年矣又閱七十年為天啟五年乙丑張令大

觀以志殘陋進博士弟子共修之迄丁卯而告成是為

修縣志之始越丁卯又十二年為崇禎十二年己卯陶

令文彥再修清順治四年丁亥燬於火至康熙五年丙午杜令士晉舉而修之距崇禎己卯為三十七年又八十五年為乾隆十六年辛未徐令尚忠聘寧都李太史龍宮高修此後遂無聞焉至於今又百七十年矣舊序之可考者此而存之亦蒐乘者之所有事也

民國五年丙辰記

甲寅初夏承乏是邑喜地僻訟簡然前此多缺官廢事雖錢穀簿冊稍年遠者輒淪缺無稽六房司典吏止三四人兼領之多或不能終其役且安其身也官遷轉者什不一二官吏視為傳舍孰與圖成政垂法也哉立縣以來未經



輯志上司移文訪取因奉而諏詢士夫世家者舊父老各  
取記載用備采集庠生黃朝陽進曰前令金諱榜者嘗究  
心於志彙稿將事位以事去稿漫逸陽得而藏諸笥者若  
干篇請輯而成之自是有緒可尋披集纂錄逾年而誌遂  
會朝覲又明年夏復任乃采而行之篇惟連城土多亢燥  
磽瘠不堪耕植能雖儉不阜於財民多饑不闕於禮田賦  
不過七千石計田不過一萬四千頃歲收計丁口不足以  
給半載余質糶昧不克敷宣治理乃勉焉託之於志俾後  
之人愛勤於是按城社以思守焉覈賦額民數以思養焉

訪習俗以思教焉。修貢賦以思敬焉。稽祀典以思正焉。則又余之惓惓者也。崑山陶文淵定齋撰。

邑有志徒志邑乎哉。所以備省郡二志之文獻。擷蒐而傳為當時後代信志也。邑志信則郡省二志皆信。省郡二志可以徵信。則士大夫之家乘不得志。誣以亂真。朝廷鉅公之正史不至傳訛。以貽誚。至於山川之靈變。城池之勦修。利害之因革。風土之淳薄。人才之盛衰。戶口之多寡。賦役之增損。與夫文章詞賦之華。人物是非之林。苟有繫於政治。無不載其公。且覈足信也。吏於其上者。一開卷而臚列

可攷鏡政事修明風俗厚美恒必由焉而天下之治因之  
矣夫合天下之家國萃而為會城分而為列郡其信之信  
志重而可徵者必自茲邑志始邑之有志顧可輕乎哉不  
佞款啟固陋生於西南滇天末去閩幾萬里鄉先後蓋鮮  
宦游閩中者筮仕而令連城問政問俗無由也連城僻在  
汀一隅居蕪山深峒中而與江之虞粵之潮畧寔蓋所出  
入之區獨去海稍遠入明以來患於流寇者四矣既屢任  
見其風習樸愿閭閻匱困清徭賦覈倉廩獄徑獄土成  
修陂塘禮紳大夫問俗焉進博士弟子問道焉以為之則

而俗美庶幾政舉而刑清迺其時異於昔矣則又遠而求  
之志古猶今今猶古也或可沿紀載摹前修而擬益調劑  
以為治諸博士弟子出其近所修志稿以進曰是前志之  
傳信不改於今者也是以今志之增修改竄而稽覈訂正  
潤色乎前志者也連邑纂前修遠文獻可徵也不佞有所  
藉手矣夫天下之耳目惟近者可信而近者最不可信則  
何也以意易耳以耳易目耳目一易故雖近而信不易也  
天下士之議論惟獨者可憑而獨者最不可憑則何也以  
獨見獨聞聞議論以獨耳獨目聞見議論有闕故雖獨

而信又不易也。夫志也者，耳目議論之叢也。今夫山川土  
田有目者所共覩，有耳者所共聞，然而有利在變易者，且  
妄更置焉，竊以入於志，伏異日不可信之端，而況其他者。  
連城惟僻且遠也，則不至是。文明鬱萃，心志未變，耳目合  
一，議論和同，則信之物也。政失而求之文，禮失而求之野，  
其必在茲志也乎。他日省郡二志，且藉是信而傳焉，寧獨  
不佞治一邑，政教賴之，滇浪張大觀撰。

今寓內郡國志率數十年而一修，何也。沿革廢置是非得  
失，學士能識，故老能言也。過此則無徵而不信，噫！此連城

志所由修也。雖然新志傳則舊志廢，茲志也不當難且慎乎哉。不佞嘗閱江志矣，江之鄱陽志載湖田幾千畝，歲苦陽侯而修志，續載云僅有明慈剛斷來官，茲土為民請命，當以九百餘米攤派山田夫湖江人也，山亦江人也，攤此以與彼，然且增入志中，遂致山湖人數年爭譟，曾再力請清文而謗議忽騰，吏諱已及矣。不佞又嘗閱粵志矣，粵之省志博贍精覈，其華藻可以不朽，而其發揚昭闡亦可以不磨，及觀名宦鄉賢志，簡而不苛，覈而不濫，世所稱楊貞復先生，歿二十餘年，鄉賢未及叩之，則評隲未定也，可畏。

哉。至夫沙田數萬頃，爭者盈几，素而無敢，變亂飛詭，竄入賦役籍中，其嚴如此。然後知粵省志之不朽而不磨者，其郡邑志皆可藉以為信也。今閩通志纂修十餘年而未成，書往者黃文簡先生，修吾溫陵志，時則今林大司徒何蘇二少徒載筆而專其議，豈不亦一代宗工鉅匠聚於一時乎哉！志成而文簡先生有遺憾焉，則何以故？然則省志之未可成，無亦諸郡邑志多如文簡所遺者而未敢據以為信與？夫數十年之政教風俗，數十年之信志出焉，數十年之郡國志則數十年後為政者之憲章也。上有政教，下有

風俗前有典型後有治化志也所以信今世詔來茲也若不能信於今後人孰能信之哉連城之難且慎也修其信而已噫嘻斯道絕續在乎其人斯文明晦在乎其時斯世治理在乎其上志不可以為政而游神於志必可以為政此又修志者之盛心也溫陵楊瞿峽撰序張志

連志輯於先令陶公迄今將百年天啟乙丑冬邑侯張公來知縣事適朝命修神廟實錄檄採各郡邑乘侯以舊志簡陋遂捐俸徵集諸名流旦夕纂輯浹歲稿成孟潛備員僚佐叨與訂正因是紀其歲月附諸簡末主簿何孟潛撰



序張志

余以甲戌奉命宰連接指紳子衿與諸父老恂雅簡樸心竊喜曰是殆經文公所化者也披覽邑乘生齒繁殖人文興蔚余歎所載與所見無以異也未幾郡守唐侯纂修府志檄召屬縣採輯按連志創自嘉靖丙辰前令陶公大端雖具簡畧尚多闕天啟丁卯余同里詣臺張公來令適修纂神宗實錄因志殘陋慨然興舉徵名流襄厥事體裁宏正訂考周詳煥乎五都巨觀余復何贅抑思天道十年一變王政三載考成繇丁卯迄今歷一紀矣故舉舊存版籍

docsriver 文川网  
入驻商家 古籍书城

在文川网搜索古籍书城 获取更多电子书

復與孝廉童君茂成童君應舉茂才林生元陽李生涵謝  
君家寶黃生兆開謝生錫命沈生期揚補遺增缺罄余一  
得冀有以成吾友請臺未竟之志而仰副唐侯採輯之感  
心至於沿習代更後有美而必彰端俟將來之知連者滇  
浪陶文彥撰

志有一統有省有郡有邑志莫小於邑然邑合為郡郡合  
為省省合為一統一統合而一代之史基是千秋之史基  
是夫至一代千秋之史俱基是也誰謂邑志小哉蓋邑視  
天下雖小輿地有災祥建置有廢興產籍有登耗官師有

臧否選舉人物藝文有盛衰注往鑒來一與史等非三長  
具史不能修也非三長具志亦不能修誰謂邑志小哉且  
修志貴有其才與學與識亦貴有其時時和年豐訟獄衰  
息一無水火盜賊之警從容徵文考獻始為快事故連城  
志未可修也寡陋如余既無其長地瘠且偏不通商賈山  
無果木水無魚鹽之利且戊子土寇陷城大肆焚掠逃亡  
徧屋殘喘未蘇連城志未可修也雖然不容已天啟丁卯  
來迄今凡四十年許又經鼎革苟不急為編輯久將湮沒  
而予叨牧茲土又適王師蕩平三島民心摺伏諸上臺亦

復多方安集哀鴻漸有家室亦不敢盡以無其時自護故  
仍舊增新勉從賢士大夫後也豈敢曰修亦因時重加補  
葺云爾都門杜士晉撰

連城建邑肇自南宋其為志也初修於嘉靖丙辰繼修於  
天啟丁卯三修於康熙丙午其初則人事荒略蒐羅未遍  
其後則兵戈甫定瘡痍未蘇所謂文不雅馴搢紳先生難  
言之今國家重熙累洽休養百年而高安徐公以明經高  
等出宰連城諸賢豪父老屢以志請公辭不獲適余以內  
艱家居因招余互相商榷凡五月而告成夫天下之事後

起者勝非獨以創始者難為功而繼起者易為力亦以得失有所監而是非無可蒙也今一開卷而連城數百年之因革數百里之利病森然立於其前如第曰文而已則唐書之修廬陵誇其事增而文省而世之論者且有謂其不如舊書之華贍者矣寧都李龍官撰

序徐志

三  
十  
三  
日



卷  
一

# 連城縣志序

宋司馬之編通鑑也以書局自隨劉范為助歷十  
九年而成邈哉昔序弗可及已縣志雖微亦一邑  
之鑑也清康熙初杜令士晉脩邑志猶謂非其昔  
而弗容已焉序視今之昔何如也繼杜志而一脩  
者徐令尚忠此後失脩垂二百年當道光間凌令



光斗欲脩而未果其嘗宜可為惜夫弗果脩而去也烏虜以視今之嘗何如也民國五年閩省通志局頒通例於郡縣知事陳一壘承之開縣志局命同人等主其事編不及一二疊經兵革停頓者幾二十年二十六年李君雲霄等以徐志書版垂絕商之縣長王集吾發議續脩以喪亂民困艱於

黃鑄鑄焉周君樹澆自暹聞之亟匯三千金飲公費  
且馳書敦其速成思深哉毋亦如杜侯所謂非其昔  
而弗容已者邪招集同人彫謝過半典策墳籍蕩焉  
無存而卒弗容已萃群力集眾思開紀於丁丑仲秋  
迄戊寅冬不誤事律候成於楊君懷祖禮俗惠政成  
於童君魁楓地理大事山川名勝雜錄諸篇成於黃

君穎成是皆畢、大者所助多矣雖然厥名曰脩亦  
草創云爾討論脩飾潤色固未之逮也後有學識  
君子脩而正之文而行之庶幾哉一邑之典章  
久無失墜斯列余所憐、者也

中華民國二十七年冬至日邑人鄧光遠序



連城縣志例言

舊志自陶而張而陶而杜而徐不能盡得而讀之矣然有讀序而知其書者今讀張序與楊序固知其志之精而信也徐志全錄舊序而篇次或倒錯茲順其次擇其有關於志者存之具源流也

李氏作寧化志不欲為一邑之書故謂自覺迂蔓簡潔茲之所修在邑言邑求免南山不治之譏而已所傳徐志或猶病焉况事更百七十年中經兵燹文獻不足無所取材故非足徵寧闕毋濫明實錄也



楊序張志有言新志傳則舊志廢宜乎其難且慎也今修新志於舊志事類審覈者備載之以存其真其論叙詳明者不敢勒說亦援裴松之注三國志之例連類夾行注寫用資參閱懼遺佚也

福建通志局編訂縣志通例參攷得失損益繁簡頗善折衷先志後傳一本馬班土地政事為志人民為傳以緯候大事繫土地以戶口物產職官藝文屬政事而不必存三部之名則本寧化志而斟酌之者也采錄事蹟以民國紀元五年為限今雖間有殊異要之大開不踰

同文軌也

圖最古始於河洛表則創自龍門蓋名象參錯者非圖  
弗著亭類繁頤者非表莫明也然圖表古自為卷今圖  
繫卷首表獨各附以從其類便省覽也

方志紀星野繇來舊矣易以經緯晷度自乾隆熱河志  
始阮氏修通志因之惟善之從古說可存古法亦可弗  
泥也正經緯度而時節氣候之交與日之出入遲早可  
推焉重人時也

東漸於海西被於流沙朔南暨暨至也及也朔南亦及

docsriver 文川网  
入驻商家 古籍书城

在文川网搜索古籍书城 获取更多电子书

流沙及海也。此禹貢九州之四至也。於各州之界則畫以山川導山也。疏其條列導川也。匯其支流星分眉列。萬世莫易焉。循經體之軌躅。正疆理於方隅。辨經界也。治亂循環。天道亦同於人事。漢儒占天文五行。仍以人事決之。災祥附於大事。亦猶顧氏春秋大事表之例也。示警畏也。

戶口之盈虛。物產之豐歉。賦稅之輕重。度支之贏朒。識者於是觀政焉。司馬書平準封禪寓辭論於敘記之中。陳數知義是在讀者。後有述者。干焉取法。寓風勸也。



物產有志非曰多識於鳥獸草木之名也。貨惡其棄於地力惡其不出於己也。凡厥庶民既富方穀人牧之義豈惟其名若夫名物之辨品物之用材物之製是有專家毋夸獵取區本末也。

舊志官師署職之官不名於籍名之不存雖有善政將安所附故事功彪卓如劉侯宗寅攝縣之名且泯焉徐志別列署縣姓名附於知縣之下蓋修之者徐侯繼而成之者署令高侯也君子為仕固將行其所學寧以久暫而渝民之於官惟撫字哉者愛戴之寧以久暫而異